

Fussball - (Berci) Liga

Downo Liga grajoncych, - my poskłodali,
frelki, karluse, tak my sie, - sam dopasowali.
Gromy łod lot, dlo wos, - na cołkim świecie,
a jak gromy, tego suchocie, - we internetcie.

Dobry Start, z Bercikowom załogom, - my mieli,
tak boły Spiele, łod poniydziałku, - do niydzieli.
Rostomajtnie, to sam u nos, - niyroz tyż bywało,
roz cołykm na dole, to zaś spiel, - sie wygrywało.

Porzondek sie noleży, załoga w rynkach, - trenera,
łon downo sie wybroł, co niy jednego, - sam lidera.
Technika opanowano, niekere kalycom, - inne zaś fajnie grajom,
niefortrzy sie spórkujom, ale som i take, - kere szczynście majom.

Na tym spiel - placu, niy roz my sie, - tyż pokjołzdali,
nigdy my sie niy poddali, yno ciyngym, - dali, - grali.
Czasami tyż, zawodników, sie sam u nos, - wymieniało,
trenera marzynie, i naszych Bercików, sie zaś, - spełniało.

Te co z boku stojom, - ciyngym sam coś, - dopingujom,
nadzieja, że wygromy, takie ciche marzynia, - tyż snujom.
Som tyż take łobskuryje, kere tego Bala, - som zazdrosne,
sami niy poradzom, załować ich, - bo życie majom żalosne.

Że drugo Liga, jedyn sie uśmiycho, - a drugi sie zaś smuci,
yno że to, co w życiu minoło, - niestety już nigdy niy wróci.
Trenera by, zaś boło zadanie, - porzondek u nos przywrócić,
przeca, niy trza nom zawodników, - kajś u inkszych zakupić.

